

22 апреля 2020 года

ПАСХА

Светлая Среда

Последование утрени
для домашнего (келейного) совершения

Молитвами святых отец наших, Господи Иисусе Христе, Боже наш, помилуй нас. Аминь.

Тропарь, глас 5:

Христос воскрес из мертвых, / смертию смерть поправ / и сущим во гробех живот даровав. Трижды.

Стих 1: Да воскреснет Бог, и расточатся врази Его, / и да бежат от Лица Его ненавидящие Его.

Христос воскрес из мертвых, / смертию смерть поправ / и сущим во гробех живот даровав.

Стих 2: Яко исчезает дым, да исчезнут, / яко тает воск от лица огня. Христос воскрес: единожды.

Христос воскрес из мертвых, / смертию смерть поправ / и сущим во гробех живот даровав.

Стих 3: Тако да погibнут грешницы от Лица Божия, / а праведницы да возвеселятся. Христос воскрес: единожды.

Христос воскрес из мертвых, / смертию смерть поправ / и сущим во гробех живот даровав.

Стих 4: Сей день, егoже сотвори Господь, / возрадуемся и возвеселимся в оный. Христос воскрес: единожды.

Христос воскрес из мертвых, / смертию смерть поправ / и сущим во гробех живот даровав.

Слава Отцу и Сыну и Святому Духу.

Христос воскрес из мертвых, / смертию смерть поправ / и сущим во гробех живот даровав.

И ныне и присно и во веки веков. Аминь.

Христос воскрес из мертвых, / смертию смерть поправ / и сущим во гробех живот даровав.

И паки:

Христос воскрес из мертвых, / смертию смерть поправ / и сущим во гробех живот даровав.

Господи, помилуй, 12.

Слава, и ныне:

КАНОН ПАСХИ

Песнь 1

Ирмос: Воскресения день, просветимся, людие; Пасха, Господня Пасха: от смерти бо к жизни и от земли к Небесі Христос Бог нас преведе, победную поющия.

Припев: Христос воскрес из мертвых.

Очистим чувства, и узрим неприступным светом Воскресения Христа блистающая, и радуйтеся рекуща ясно да услышим, победную поюще.

Христос воскрес из мертвых.

Небеса́ убо достойно да веселятся, земля же да радуется, да празднует же мир, видимый же весь и невидимый: Христос бо воста́, веселие вечное.

Ин канон, Богородичен. Глас тойже.

Творение господина Феофана и господина Иосифа

Слава Отцу́ и Сыну и Святому́ Духу.

Умерщвления предел сломила еси́, вечную жизнь рождающая Христа́, из гроба́ возсиявшего днесь, Дево́ всенепорочная, и мир просветившего.

И ныне и присно и во веки веков. Аминь.

Воскресшего́ видевши Сына Твоего́ и Бога, радуйся со апостолы, Богоблагодатная Чистая; и еже радуйся, первее, яко всех радости вина́, восприяла еси́, Богомати всенепорочная.

Катавасия: Воскресения день, просветимся, людие; Пасха, Господня Пасха: от смерти бо к жизни и от земли к Небесі Христос Бог нас преведе, победную поющия.

Песнь 3

Ирмós: Приидите, пиво пиём нóвое, не от кáмене непло́дна чудодéемое, но нетлénия истóчник, из грóба одождívша Христá, в Нёмже утверждáемся.

Христós воскресе из мёртвых.

Ны́не вся испóлнишася свéта, Нéбо же и земл́я, и преиспóдняя: да прáзднует úбо вся тварь востáние Христóво, в Нёмже утверждáется.

Христós воскресе из мёртвых.

Вчера́ спогребóхся Тебé, Христé, совостаю́ днесь воскрéшу Тебé, сраспина́хся Тебé вчера́, Сам мя спрослáви, Спáсе, во Цáрствии Твоём.

Слáва Отцú и Сы́ну и Свято́му Дúху.

На нетлénную жизнь прихождú днесь блáгостию Рóждшагoся из Тебé, Чíстая, и всем концём свет облиста́вшего.

И ны́не и прíсно и во вéки векóв. **Ами́нь.**

Бóга, Егóже родилá есí плóтию, из мёртвых, я́коже речé, воста́вша ви́девши, Чíстая, ликуй, и Сегó я́ко Бóга, Пречíстая, возвелича́й.

Катав́asia: Приидите, пиво пиём нóвое, не от кáмене непло́дна чудодéемое, но нетлénия истóчник, из грóба одождívша Христá, в Нёмже утверждáемся.

Та́же:

Христós воскресе из мёртвых, / смёртию смерть попра́в / и сущим во гробéх живóт дарова́в. **Трижды.**

Гóсподи, помíлуй. **Трижды.**

Слáва, и ны́не:

Ипако́й, глас 4

Предварíвшийя úтро я́же о Марíи, и обрётшия кáмень отвалén от грóба, слы́шаху от А́нгела: во свéте присносу́щем Су́щаго с мёртвыми что и́щете, я́ко челове́ка? Ви́дите грóбныя пелены́, тецýте и мíру проповéдите, я́ко востá Госпóдь, умертвívый смерть; я́ко есть Сын Бóга, спаса́ющаго род челове́ческий.

Песнь 4

Ирмós: На Божéственной стра́жи богоглаго́ливый Авваку́м да ста́нет с на́ми и пока́жет светонóсна А́нгела, я́сно глаго́люща: днесь спасéние мíру, я́ко воскресе Христós, я́ко всесýлен.

Христос воскрес из мертвых.

Мужеский убо пол, яко развёрзый девственную утробу, явися Христос; яко человек же, Агнец наречёся; непорочен же, яко невкусен скверны, наша Пасха, и яко Бог истинен, совершён речёся.

Христос воскрес из мертвых.

Яко единоклетный агнец, благословенный нам венец Христос, волю за всех заклан бысть, Пасха очистительная, и паки из гроба красное правды нам возсия Солнце.

Христос воскрес из мертвых.

Богоотец убо Давид пред санным ковчегом скакаше играя, людие же Божии святии, образов сбытие зряще, веселимся божественно, яко воскрес Христос, яко всецелен.

Слава Отцу и Сыну и Святому Духу.

Создавший Адама Твоего праотца, Чистая, зиждется от Тебе, и смертное жилище разорит Своею смертию днесь, и озарит вся Божественными блистаниями Воскресения.

И ныне и присно и во веки веков. **Аминь.**

Егоже родила еси Христа, прекрасно из мертвых возсиявша, Чистая, зрящи, добрая и непорочная в женах и красная, днесь во спасение всех, со апостолы радуешься, Того прославляй.

Катавасия: На Божественной стражи богоглаголивый Аввакум да станет с нами и покажет светоносна Ангела, ясно глаголюща: днесь спасение миру, яко воскрес Христос, яко всецелен.

Песнь 5

Ирмос: Утренюем утреннюю глубокую, и вместо мира песнь принесём Владыце, и Христа узрим, правды Солнце, всем жизнь возсияющая.

Христос воскрес из мертвых.

Безмерное Твое благоутробие адовыми узами содержимии зряще, к свету идящу, Христэ, веселыми ногами, Пасху хваляще вечную.

Христос воскрес из мертвых.

Приступим, священоснии, исходящу Христу из гроба яко Жениху, и спразднуим любопытными чинми Пасху Божию спасительную.

Слава Отцу и Сыну и Святому Духу.

Просвещается Божественными лучами и живонóсными Воскресения Сына Твоегó, Богомáти Пречíстая, и радости исполняется благочестíвых собрание.

И ны́не и прíсно и во ве́ки веко́в. **А**ми́нь.

Не развёрзл еси́ врата́ дéвства в воплощénии, грóба не разрушил еси́ печáтей, Царю́ создáния: отонúдуже воскрéшаго Тя зря́щи, Мáти рáдовашеся.

Катав́asia: У́тренюем у́треннюю глубоку́, и вмéсто мíра песнь принесém Влады́це, и Христá у́зрим, прáвды Сóлнце, всем жизнь возсия́юща.

Песнь 6

Ирмóс: Снизшéл еси́ в преиспóдня земли́, и сокрушил еси́ вере́й вéчных, содержа́щая связанны́я, Христé, и триднёвен, я́ко от кíта Ио́на, воскрéсл еси́ от грóба.

Христóс воскрéсе из мёртвых.

Сохрани́в це́ла зна́мения, Христé, воскрéсл еси́ от грóба, ключи́ Дéвы не вредíвый в рождествé Твоём, и отвёрзл еси́ нам райския́ двéри.

Христóс воскрéсе из мёртвых.

Спа́се мой, живóе же и нежéртвенное заколénие, я́ко Бог Сам Себé во́лею привéд Отцú, совоскрéсил еси́ всерóднаго Ада́ма, воскрéс от грóба.

Сла́ва Отцú и Сы́ну и Свято́му Ду́ху.

Возведéся дрéвле держíмое смéртию и тлénием, Воплотíвшимся от Твоегó пречíстаго чрэва, к нетлénней и присносу́щней жи́зни, Богорóдице Дéво.

И ны́не и прíсно и во ве́ки веко́в. **А**ми́нь.

Сни́де в преиспóдня земли́, в ложесна́ Твоя́, Чíстая, Сшéдый и всели́выйся и воплотíвыйся па́че ума́, и воздв́иже с Собóю Ада́ма, воскрéс от грóба.

Катав́asia: Снизшéл еси́ в преиспóдня земли́, и сокрушил еси́ вере́й вéчных, содержа́щая связанны́я, Христé, и триднёвен, я́ко от кíта Ио́на, воскрéсл еси́ от грóба.

Та́же:

Христóс воскрéсе из мёртвых, / смéртию смерть попра́в / и су́щим во гробéх живóт дарова́в. **Трижды.**

Господи, помилуй. **Трижды.**

Слава, и ныне:

Кондак, глас 8:

Аще и во гроб снизшел еси, Безсмертне, но адову разрушил еси силу и воскресл еси, яко Победитель, Христэ Бóже, женам миронóсицам вещáвый: радуйтесь, и Твоим апóстолом мир дáруяй, пáдшим подай воскресение.

Икос

Еже прёжде со́лнца Со́лнце, заше́дшее иногда́ во гроб, предвари́ша ко́утру и́щущия́ яко дне миронóсицы дéвы, и другá ко друзéй вопия́ху: о́ другíни, приидите, воня́ми пома́жем Тéло живонóсное и погребéнное, плоть Воскресíвшаго пáдшаго Ада́ма, лежа́щую во грóбе. Идем, потщíмся, я́коже волсвí, и поклонíмся, и принесéм мíра яко дáры, не в пеленáх, но в плащани́це обвíтому, и пла́чим, и возопи́м: о́ Влады́ко, востáни, пáдшим подай воскресение.

Та́же:

Воскресение Христóво вíдевши, поклонíмся Свято́му Господу́ Иису́су, еди́ному Безгрéшному. Кресту́ Твоему́ поклоня́емся, Христэ́, и свято́е Воскресение́ Твоё́ поём и сла́вим: Ты́ бо еси́ Бог наш, рáзве Тебе́ ино́го не зна́ем, и́мя Твоё́ имену́ем. Приидите, вси вёрнии, поклонíмся свято́му Христóву Воскресению́: се́ бо при́де Крестом́ рáдость все́му мíру. Всегда́ благословя́ще Господа́, поём Воскресение́ Его́: распя́тие бо претерпéв, смёртию смерть разруши́. **Трижды.**

Воскрéс Иису́с от грóба, я́коже проречé, даде́ нам живóт вéчный и вéлию мýлость. **Трижды.**

Песнь 7

Ирмóс: О́троки от пéщи избáвивый, быв Человéк, стра́ждет яко́ смёртен, и Стра́стию смёртное в нетлéния облачи́т благолéпие, еди́н благословéн отцéв Бог и препросла́влен.

Христóс воскрéсе из мёртвых.

Жены́ с мíры богомúдрыя в след Тебе́ течáху, Егóже яко́ мёртва со слезáми иска́ху, поклонíшася раду́ющиеся Живóму Бóгу и Пáсху та́йную Твоим, Христэ́, ученико́м благовести́ша.

Христóс воскрéсе из мёртвых.

Смёрти прázднуем умерщвлéние, áдово разрушéние, инóго житиá вéчнаго начáло, и игра́юще поём Винóвнаго, еди́наго благословéннаго отцéв Бóга и препрослáвленнаго.

Христóс воскрéсе из мёртвых.

Яко во́истину свящénная и всепрázднственная сия́ спаси́тельная но́щь, и светозáрная, светонóснаго дне востáния сýщи провозвéстница: в нéйже безлётный Свет из грóба плóтски всем возсия́.

Слáва Отцý и Сы́ну и Свято́му Дúху.

Умертвív Сын Твой смерть, Всенепорóчная, днесь, всем смёртным пребывáющий живóт во вéки веко́в даровá, еди́н благословéнный отцéв Бог и препрослáвленный.

И ны́не и прíсно и во вéки веко́в. **Ами́нь.**

Всем ца́рствуяй создáнием, быв Человéк, вселíся во Твою́, Богоблагодáтная, утрóбу, и распýтие претерпéв и смерть, воскрéсе боголéпно, совозстáвив нас, я́ко всесýлен.

Катавáсия: О́троки от пéщи избáвивый, быв Человéк, стра́ждет я́ко смёртен, и Стра́стию смёртное в нетлéния облачит́ благолéпие, еди́н благословéн отцéв Бог и препрослáвлен.

Песнь 8

Ирмо́с: Сей наречéнный и святýй день, еди́н суббóт царь и госпóдь, прázдников прázдник и торжествó есть торжéств: вóньже благословím Христá во вéки.

Христóс воскрéсе из мёртвых.

Приидíte, нóваго виногрáда рождéния, Божéственного весéлия, в нарóчитом дни Воскресéния, Ца́рствия Христóва приобщímся, пою́ще Егó я́ко Бóга во вéки.

Христóс воскрéсе из мёртвых.

Возведí óкрест óчи тво́й, Сиóне, и виждь: сé бо приидóша к тебé, я́ко богосвётлая светíла, от зáпада, и сéвера, и мóря, и востóка чáда тво́я, в тебé благословя́щая Христá во вéки.

Пресвятáя Трóице, Бóже наш, слáва Тебé.

Отче Вседержителю, и Сло́ве, и Дúше, тремí соединяемое во Ипостáсех Естествó, Пресýщественне и Пребожéственне, в Тя крестíхомся и Тя благословím во вся вéки.

Благословім Отца́ и Сы́на и Свята́го Ду́ха, Го́спода.

Прииде Тобо́ю в мир Госпо́дь, Де́во Богоро́дице, и чре́во а́дово расто́рг, сме́ртным нам воскресе́ние дарова́: те́мже благословім Его́ во ве́ки.

И ны́не и прісно и во ве́ки веко́в. **Ами́нь.**

Всю низложи́в сме́рти держа́ву Сын Твой, Де́во, Сво́им Воскресе́нием, я́ко Бог кре́пкий совознесé нас и обожі́; те́мже воспева́ем Его́ во ве́ки.

Катава́сия: Сей нарече́нный и святы́й день, еди́н суббо́т царь и госпо́дь, пра́здников пра́здник и торже́ство есть торже́ств: во́ньже благословім Христа́ во ве́ки.

Припев:

Вели́чит душа́ моя́ воскресе́шаго тридне́вно от гроба́, Христа́ Жизнода́вца.

Песнь 9

Ирмо́с: Светі́ся, светі́ся, но́вый Иерусали́ме: сла́ва бо Госпо́дня на тебе́ возсия́. Ликуй ны́не и весели́ся, Сио́не. Ты же, Чи́стая, красуйся, Богоро́дице, о воста́нии Рожде́ства Твоего́.

Припевы: Вели́чит душа́ моя́ во́лею страда́вша, и погребё́нна, и воскресе́шаго тридне́вно от гроба́.

Христос но́вая Па́сха, же́ртва жива́я, А́гнец Бо́жий, вземля́й грехи́ ми́ра.

А́нгел вопия́ше Благода́тней: Чи́стая Де́во, ра́дуйся! И па́ки реку́: ра́дуйся! Твой Сын воскресе́ тридне́вен от гроба́, и ме́ртвыя воздви́гнувый: лю́дие, весели́тесь.

Возбуди́л еси́, усну́в, ме́ртвыя от ве́ка, ца́рски рыка́вый я́ко от Иу́ды лев.

О Божественнаго, о любезнаго, о сладчайшаго Твоего́ гла́са! С на́ми бо нелóжно обеща́лся еси́ бы́ти до сконча́ния ве́ка, Христэ́: Его́же, ве́рнии, утвержде́ние наде́жды иму́ще, раду́емся.

Припевы: Магдали́на Мари́я притече́ ко гробу́, и Христа́ ви́девши, я́ко вертогра́даря вопроша́ше.

А́нгел облистая́я жена́м вопия́ше: преста́ните от слез, я́ко Христос воскре́се.

Христос воскресе́, смерть попра́вый и ме́ртвыя воздви́гнувый: лю́дие, весели́тесь.

Днесь всяка тварь веселится и радуется, яко Христос воскрес и ад пленяся.

Днесь Владыка пленя а́да, воздвигнувый юзники, яже от века имяше люте одержимыя.

О Пасха велия и священнейшая, Христэ! О мудросте, и Слове Божий, и сіло! Подавай нам истее Тебэ причащатися в невечернем дни Царствия Твоего.

Припев: Величит душа моя Триипостаснаго и Нераздельнаго Божества державу.

Согласно, Дево, Тебэ блажим вернии: радуйся, двере Господня; радуйся, граде одушевленный; радуйся, Еяже ради нам ныне возсия свет из Тебэ рожденного из мертвых Воскресения.

Припев: Радуйся, Дево, радуйся, радуйся, Благословенная, радуйся, Препрославленная: Твой бо Сын воскрес тридневен от гроба.

Веселися и радуйся, Божественная двере Света: зашедый бо Иисус во гроб возсия, просияв солнца светлее и верныя вся озарив, Богорадованная Владычице.

Припев: Величит душа моя воскресшаго тридневно от гроба, Христа Жизнодавца.

Катавасия: Светися, светися, новый Иерусалиме: слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Таже:

Христос воскрес из мертвых, / смертию смерть поправ / и сущим во гробех живот даровав. **Трижды.**

Господи, помилуй. **Трижды.**

Слава, и ныне:

Ексапостиларий:

Плотию уснув, яко мертв, Царю и Господи, тридневен воскресл еси, Адама воздвиг от тли, и упразднив смерть: Пасха нетления, мира спасение. **Трижды.**

ХВАЛІТНЫ

Глас 4:

Всякое дыха́ние да хва́лит Го́спода. Хвалі́те Го́спода с небёс, хвалі́те Егó в вы́шних. Тебе́ подоба́ет песнь Бо́гу. Хвалі́те Егó, вси А́нгели Егó, хвалі́те Егó, вся Сі́лы Егó. Тебе́ подоба́ет песнь Бо́гу.

На 4: Хвалі́те Егó на сі́лах Егó, хвалі́те Егó по мно́жеству вели́чества Егó.

Крест претерпе́вый и смерть, и воскресы́й из ме́ртвых, Всесі́льне Го́споди, сла́вим Твое́ Воскресе́ние.

Хвалі́те Егó во гла́се тру́бнем, хвалі́те Егó во псалті́ри и гу́слех.

Кресто́м Твоё́м, Христе́, от дре́вня кля́твы свободи́л еси́ нас, и сме́ртью Твое́ю естество́ на́ше му́чащаго диа́вола упраздни́л еси́: воста́нием же Твои́м ра́дости вся испо́лнил еси́. Те́мже вопие́м Ти: воскресы́й из ме́ртвых, Го́споди, сла́ва Тебе́.

Хвалі́те Егó в тимпа́не и ли́це, хвалі́те Егó во стру́нах и орга́не.

Твои́м Кресто́м, Христе́ Спа́се, наста́ви нас на і́стину Твою́, и изба́ви нас от се́тей вра́жиих, воскресы́й из ме́ртвых, возста́ви ны па́дшыяся грехо́м, просте́р ру́ку Твою́, Человеколю́бче Го́споди, моли́твами святы́х Твои́х.

Хвалі́те Егó в кимва́лех доброгла́сных, хвалі́те Егó в кимва́лех восклицáния. Всякое дыха́ние да хва́лит Го́спода.

Оте́ческих Твои́х недр не разлучи́вся, Единоро́дный Сло́ве Бо́жий, пришёл еси́ на зе́млю за человеколю́бие, Челове́к быв непрело́жен, и крест и смерть претерпе́л еси́ плóтию, безстра́стный Божество́м: воскре́с же из ме́ртвых, безсме́ртие по́дал еси́ роду челове́ческому, я́ко Еди́н Всесі́лен.

Стихиры Пасхи, глас 5:

Стих: Да воскре́снет Бог, и расточа́тся врази́ Егó.

Па́сха свяще́нная нам днесь показáся: Па́сха но́ва свята́я, Па́сха та́инственная, Па́сха всечестна́я, Па́сха, Христóс Изба́витель, Па́сха непоро́чная, Па́сха вели́кая, Па́сха ве́рных, Па́сха, двéри ра́йския нам отверза́ющая, Па́сха, всех освяща́ющая ве́рных.

Стих: Я́ко исчеза́ет дым, да исче́знут.

Прииді́те от видéния, жены́ благове́стницы, и Сио́ну рцы́те: приими́ от нас ра́дости благове́щения Воскресе́ния Христóва; красуйся, ликуй

и раду́йся, Иерусали́ме, Царя́ Христа́ узрэв, из гроба́, я́ко Жениха́, происходя́ща.

Стих: Та́ко да поги́бнут грёшницы от лица́ Бо́жия, а пра́ведницы да возвеселя́тся.

Миронóсицы жены́, у́тру глубоку́, предста́вша грóбу Живода́вца, обрето́ша А́нгела, на ка́мени сидя́ща, и той, провеща́в им, си́це глаго́лаше: что и́щете Жива́го с ме́ртвыми? Что пла́чете Нетле́ннаго во тли? Ше́дше, пропове́дите ученико́м Его́.

Стих: Сей день, его́же сотвори́ Господь, возра́дуемся и возвесели́мся вонь.

Па́сха кра́сная, Па́сха, Господня́ Па́сха, Па́сха всечестна́я нам возсия́. Па́сха, ра́достью друг дру́га обы́мем. О Па́сха! Избавле́ние ско́рби, и́бо из гроба́ днесь, я́ко от черто́га возсия́в, Христо́с жены́ ра́дости испо́лни, глаго́ля: пропове́дите апо́столом.

Сла́ва, и ны́не:

Воскресе́ния день, и просвети́мся торже́ством, и друг дру́га обы́мем; рцем: бра́тие, и ненави́дящим нас прости́м вся Воскресе́нием, и та́ко возопи́им: Христо́с воскре́се из ме́ртвых, сме́ртию смерть попра́в и су́щим во гробёх живо́т дарова́в.

Та́же:

Христо́с воскре́се из ме́ртвых, сме́ртию смерть попра́в и су́щим во гробёх живо́т дарова́в. **Трижды.**

Утверди́, Бо́же, святу́ю правосла́вную ве́ру правосла́вных христиа́н во век ве́ка.

Христо́с воскре́се из ме́ртвых, сме́ртию смерть попра́в и су́щим во гробёх живо́т дарова́в. **Трижды.**

Отпу́ст

Христé, воскресый из ме́ртвых, сме́ртию смерть попра́вый и су́щим во гробёх живо́т дарова́вый, и́стинный Бо́же наш, моли́твами Пречи́стыя Твоея́ Ма́тере и всех святы́х, поми́луй и спаси́ нас, я́ко Благ и Человеколю́бец. Аминь.

Христос Воскресе! Воистину Воскресе!

Христо́с воскре́се из ме́ртвых, сме́ртию смерть попра́в и су́щим во гробёх живо́т дарова́в. **Трижды.**

И нам дарова́ живо́т ве́чный, покланя́емся Его́ триднёвному Воскресе́нию.

Велікаго господіна и отцá нáшего Киρίлла, / Святéйшаго Патриáрха Москóвскаго и всея Русі, / и господіна нáшего высокопреосвященнейшаго **імярек**, / митрополіта [**или́:** архиепіскопа; **или́:** преосвященнейшаго **імярек**, епіскопа] [**его́же есть о́бласть**], / настоятеля, брáтию и прихóжан святáго хра́ма нáшего, / домочáдцы нáша и вся правослáвныя христиáны, / Го́споди, сохрани́ их на мно́гая лéта.